

十住断结经

卷二

百七十四
能二

48513



元祿九年丙子二月日重脩

皇圖翠岡 帝潛銀呂

佛日增輝 懋輪崇轉

山城州天安寺法金剛院置



十住斷結經卷第二

能

姚秦涼州沙門竺佛念譯

了空品第五

尔時最勝菩薩復白佛言云何修成菩薩於
五住中當淨其地佛告最勝修成大士常當
遠離居家財業亦莫親近頻頭弥淫村修善

功德念除憎嫉遠離俗會世間因緣當念和
合遠離忿諍言當護口無亂彼此常當自
不懷貢高雖多伎術不輕憊人斷除無明消
滅五陰息老病死諸所作爲不與塵勞亦復
不與六十二見而共和同不自稱譽亦不自
卑過世入事無有高下常知恭順去諸苦惱



不行癡冥覺悟睡眠度諸恐懼不與罪俱及
諸心垢斷於五陰乃至生死身魔罪魔死魔
天魔思惟抑制不造彼緣如所聞慧輒能建
立應如斯行而無所有諦入慧意學無猷足
無所貪慕亦無適莫歡喜啓受心懷悅豫身
輕志定其意和雅而無煩憤所學法本說法
無窮心常趣道禁法自守好從正真不處邪
部唯好妙慧分別種種諸度無極逮得菩薩
大乘經籍善權方便隨前應適心復察解了
無神通常欲聽聞無生滅法了十二緣達知
無常暢演苦諦亦無吾我解知空定分別無
相深體無願曉生死苦成就功德所聞勤執

貪慕三寶亦欲知俗復知道法忠心附近以
爲伴侶普入諸法欲除貧匱甘受正道其無
知者化令成就同功勲業明識其本念避衆
惡約身智達兼利衆生處安隱行亦不懷恨
欲了最妙無極之行復次最勝修成菩薩念
諸佛法云何得成無上道要如所聞慧便能
成辦所入隨時亦不越次聽彼音響然後調
正深入於觀知心所行御身求度而濟衆生
不計無常亦無所著探察因緣所可施設我
人壽命去來現在成功德業分別禪定空無
相願護己自守不隨貪欲遊於三昧而修正
受如是最勝修成菩薩入百千定不以爲難

菩薩周處靡所不到唯不願生無色天上及
光音天亦不永入滅盡定中悉知本際思惟
執持亦了本無而不取證所以然者皆由衆
生垢未除故知其衆生解無吾我習行大慈
不捨悲哀普入一切生死之難遠離貪著諸
所榮異教諸犯法亦不爲非行權方便教化
無方隨前衆生心在愛欲使觀惡露修不淨
行然後菩薩乃取盡證雖現滅度亦不永滅
修成菩薩所度無窮亦不可盡各得其所使
心無恨不失威儀禮節之禁出入安祥無有
平暴夫欲無諍莫若自守賢聖默然唯常寂
靜而無言說夫無言者乃謂清淨虛無澹然

亦無方圓科限之異賢聖默然者自護身口
心觀說者勿與同處身欲不動心無變易亦
無希望復無所想是謂修成大士之行欲不
色惑當正其心以正其心便爲達至永寂無
爲若不寂靜將養己者無得自稱亦莫不仁
無高下者可謂順法所爲不失亦無所失解
本無空便無所得失等觀三世亦無差特眼色
及識無所止住耳聲識鼻香識舌味識身細
滑識意法識悉無有主亦無所任亦無吾我
觀諸法行悉無我所我者變易從本淨故如
尔審諦知無吾我無吾我者是謂爲慧明了
所有如無所有亦悉空寂本末清淨心常不

離諸法之本思惟遠離九衆生居所所以然者
輪轉沒溺周迴馳趣不勉九處衆生之類身
異想異謂天及人復次最勝或有衆生身非
一種成就一想謂梵身天最初出現降形世
間貪著甘味漸失天威復有衆生一身不異
有若干想謂光音天功德儀容威神殊特或
有衆生一身一想謂遍淨天進趣宜則唯行
極妙復有衆生意至無量虛空之念心不著
有亦不趣滅是則名曰空入天是復有衆生
意繫識想遺去形體不復役思有希望求斯
則名曰識入天也復有衆生無所貪求消除
是非內心充足於諸味著無所興想是亦名

曰不用入天復有衆生建立弘誓求于無爲
觀無色界而無形質謂爲涖涖無爲無作亦
無造者精其志願貪得生彼壽八万四千劫
數之期竟彼壽已神當遷轉趣於五道應所
生處中陰便往迎其魂神將詣胎室然後乃
知非真滅度癡心隆盛便興恚怒心念口發
種罪深殃背聖言教虛辭不真誑惑世人權
詐不實乃從久遠逕歷苦行停至涖涖必然
無疑我今云何更涉生死吾今乃信知無涖
涖亦無神通得道之人思念之頃神趣惡道
斯由誹謗賢聖之人如是最勝修成菩薩欲
成無上正真之道等正覺者常當思惟心念

去離九衆生居一切衆生我人壽命無所希
望所作因緣皆悉避之亦莫思惟俗間之念
消除一切衆念之想修成菩薩復於十五殊
特之心向法次法進成其道從第一法入苦
法要增於善根同無漏行從於五住至得如
來悉具善根思惟欲愛五住菩薩斷除欲愛

滅不善根住于欲界執忍苦慧思惟苦本無
形界中無色之身不待思惟苦之無本是故
菩薩不於無形除欲界法增不善根有九十
事無漏慧藥亦有九十以十要法對不善根
及欲界淫微細之垢餘八十法斷除八十不
善根本雖非斯盡轉轉使微盡道聖諦亦有

無漏合法亦有有漏合法修成菩薩於五位
中唯斷有漏合法不斷無漏合法於有爲性
亦有合法於無爲性亦有合法尔時菩薩唯
斷有爲未除無爲相應合法如是最勝修成
菩薩復當修行五分法性思惟分別了知無
二戒身護命清淨無貪瑕穢已除衆定已成
是謂最勝名曰定身分別諸觀無若干想亦
復不起想著之念解了無一故曰慧身三世
解脫無所沾汙亦不恐懼懷退轉心是謂名
曰解脫之身已能成辦第九解脫故曰解脫
知見之身有爲緣者是解脫身無爲緣者解
脫見慧身有漏無漏亦復如是是謂最勝修

成菩薩便能習學色緣盡法未能斷除非色
緣盡云何菩薩色緣盡法非色緣盡色緣盡
者若眼見色便生眼識分別是非善惡之法
興意染著終已不離修成菩薩便當執智御
使不生除去穢惡不淨之行非色緣盡非智
所及不生眼識分別是非善惡之行所以然
者非彼境界之所攝持今當引喻用自覺悟
大智之人以譬得解猶如有人疲極睡眠神
識安靜形不動搖無觸擾者目不見色識不
流馳不興想念眼既内存外色遊逸當時澹
然目不加功識不散落應現之色忽然便過
亦不停住有所滯礙所以者何用無所有性

自空故如是最勝修成菩薩常當思惟分別
妙觀斷除非色緣盡之法亦不與俱復不施
設當學了知非色緣盡非有非無亦無成敗
復當修行賢聖八正除於八邪成就三昧百
千定意五邪心法三邪非心見念定方便斯
在諸地初禪以還便有邪志邪見顛倒不在
六識四邪盡在六識身中共相連綴不相去
離所以邪見不通識者五識雖決無方便力
意識慧了有方便力中禪以上亦無邪志但
有邪見與三十六法共相受入初禪以還唯
有邪志與十八法而相受入五識陰中雖有
邪志自不相知中間禪內雖有邪見自不相

應發意菩薩至于四住行於苦智忍辱之慧
消滅邪見遠離邪志修成菩薩進向六住行
玄通智斷三界緣乃應真際先當精勤斷於
奔逸殃禍之病愚癡猶豫興造五邪遍布三
界無空缺處十八結本生八百法有苦無習
亦與相應有習無苦亦與相應癡愛同空而
共相生於苦門中無明結除習諦無明而不
消盡還生於苦愛亦不除坐佛樹下波衆疑
心正住佛道不懷異億得成正覺無上道時
與無央數不可稱計衆生之類普使濟度解
知緣著諸起滅法斯亦空寂而不可見五住
菩薩得非色緣盡空性法時諸塵垢病亦皆

消滅常以五法制御愛著通六識病普在三
界拔其根本使不增長瞋恚五藥具六識身
下及上流獨在斯界慢有五法一意識身而
在三處根深難動邪見四藥一意識身亦在
三處往來不息願疑四行及意識身復在三
處慳嫉思惟不在三處睡眠覺悟當念遠離
不與雜錯去衆煩惱不爲癡冥求脫恐懼不
與同處常念建立一切智心隨諦黠慧如審
無礙如無有吾則無有我除去我見故曰苦
慧習諸所有皆無所有悉無本末亦無住處
不染愛著故曰習慧解知習者爲摩滅法學
正真要知無本際悉爲消滅故曰盡慧達照

衆心朗如雲消玄通明徹無有塵垢是謂最
勝菩薩道慧便能觀察爲曉五陰知四大本
解六衰病分別四諦暢十二緣廣演三世分
別一切諸使所興曉了五陰諸所生滅不見
諸法有來往者有塵垢者亦復不見有生老
死所以然者由其本性不可得故因緣以滅
離諸著斷諸法垢盡無有罣礙言教已定亦
不動搖猶如幻化夢中所見芭蕉野馬呼聲
之響鏡中之像水中泡沫觀於色相我人壽
命解色如是諦無所生觀了此法而悉清淨
空無所有曉是五陰我人壽命實如幻化識
亦無形而不可見不見動轉有其處所復當

曉了非常苦空非身之業其知是者乃達五
陰諸法慧義亦無起滅邊際所生地水火風
不見增減觀於法界亦無剛柔究尋水性則
無有水有所潤漬思惟火界復不見熱了風
境界不見施張有動搖者分別四大不見有
起生滅增減便能曉知言數之慧廣慧深慧
無比之慧謂眼見色便生識想以法界觀亦
無眼視悉知空寂復於法界觀耳聽聲亦復
不見聲所從來恍惚自生而復自滅鼻香舌
味細滑意法不著不斷無有興衰悉具足觀
衆生性行志操不起皆悉平等不可別離無
若干想空無有異亦不可量泥洹法身等如

虛空法界真際斯同虛空如是最勝修成大
士復觀眼空而無吾我非不有我我及無我
是亦悉空解我空者在諸衰入不見端緒諦
計六衰不著不斷是謂菩薩於六衰法而無
起滅眼色為衰衆亂之首設能觀視而不轉
者則六衰淨而無瑕穢成大果證無復憂畏
於衰不淨則損道性菩薩弘誓行大慈悲普
覆一切為其受苦不以為痛無有近遠險恐
之難要度衆生而不樂道勸行施德修善功
德是曰修成菩薩思惟觀法五陰六衰悉無
處所亦無形兆進止所趣復以苦習盡道分
別五陰生者滅者有增有減而悉無形生苦

老苦病苦死苦憂悲惱苦怨憎會苦恩愛離
苦所欲不得亦復是苦取要言之五盛陰苦
是謂最勝名曰知苦尋察根原由苦枝黨所
生為習貪著愛欲翫之寶之莫知為幻知而
遠之故曰知習諸垢永除更不造新願欲畢
故使不復生色現尋滅不令停滯了習常寂
是謂知盡解八正道亦無體性親疎近遠住
止之處變化無窮而不可極蕩除塵穢照曜
愚冥無形無聲存亡之體為諸迷惑導引之
首入無為路故曰知道菩薩分別四諦亦不
取證欲護一切在生死者真諦之相無相無
形而不可見審解如本則應法性世俗言教

假号有名其實字體不生不滅無所染著得
聖諦心不念有無審解本者一切諸色普悉
平等亦無高下生若干心是則名曰分別聖
諦菩薩聖諦其實有一而無有二無著至真
無所希望亦不想求色亦不想求無色於想
無想平等無二是則名曰真諦之相已獲審
諦如實諦相者便能曉了五陰之相五陰所
生苦毒之相是煩惱相菩薩復當思惟滅於
百千之苦皆歸空無磨滅之法不起念故名
曰苦諦演暢五陰所出生處除去愛著是曰
習諦若心流馳多諸想求分別其意亦不貪
慕不與三世愚心同處亦不住中而有僥倖

悉去塵勞是為盡諦欲成無上正真道者了
苦習盡斷邪疑心如是最勝修成菩薩於五
住中當淨其地

根門品第六

尔時最勝菩薩復白佛言云何上位菩薩於
六住地而淨其行佛告最勝上位菩薩常當
修行六度無極不慕所有成本果誓去聲聞
心欲淨國土無緣覺意所為弘廣不為小心
見乞索者先自除貪尋赴前人使得飽滿所
有珍竒殊妙之物念先給人不懷悔意遠離
吾我去計常心其智無量亦無窮盡願欲聽
採深妙之法淨身口意不犯一切戒常欲擁

護諸持戒人。上位菩薩心恒慈仁。不懷傷害。加于衆生。身自不殺。不教他殺。見有殺者。勸使修善。不盜人物。如毫釐許。設有犯者。教令改悔。又常專心。不犯淫泆。若見犯者。使修淨行。常行至誠。初不兩舌離別。彼此有諍訟者。和解令散。忠言諫喻。普令行善。終不罵詈。使人恚怒。見瞋恚者。令行忍辱。不爲惡口。有慙愧心。所言護口。不忘言說。於一切人。思惟平等。不念憎嫉。除其憍慢。不生恚想。向于衆生。每自剋責。願欲上及。今不行忍。後致醜陋。常正其心。不輕後學。懷抱悅心。在道法者。其心清淨。無有塵勞。愛樂深妙。無比之法。四無所

畏降伏外學使修淨業能出其上至心在道
遵奉慈仁若見沙門異學梵志便能師事務
令得所所以然者由成佛道成一切智心常
柔輒不行卒暴若見他非護已不為初不漏
失有非法行亦無聲聞緣覺之心於諸所犯
不見所犯所生之處亦不愚闇常行精進不
為懈怠不與邪部而共周接設見弊惡無返
復者不與從事言談密款奉戒完具未曾缺
漏近智慧人解深法者亦不違遠有疲厭意
篤信淨戒所修真正不為邪部之所深汗慎
守其法如所應行一切衆生歌歎其德掌護
法律清淨無瑕所行堅固本心決了無能說

非言有瑕疵所以然者斯由行正不懷邪道
其戒完具不復迷惑所演音響莫不宣聞諸
佛正覺之所扶持任已娛樂亦無所求常知
止足無所貪慕其心純熟衆惡以除身意澹
然無所欣樂常好閑居無心親近在於乱憤
具能分別備悉道法不從外道有所諮受謹
慎威儀未曾失禮不以好服而爲綺雅誓如
本願德無能逮不以甘美而乱心意已有道
力制持德業所修順戒不妄調戲天人衛護
使成究竟行慈普念衆生之類又修悲哀忍
衆塵勞遵奉守護使不懈怠行平等心善惡
無二爲一切任荷負重擔常察觀了不爲損

耗不聽心識馳騁衆想不念其惡不傳人非
護一切意揔攝牢固不興其意隨所思惟念
恒布施養育一切衆生之類使行忍辱不起
異心志願精進終不迴轉禪思寂莫得安隱
定奉遵智慧博攬衆議所演如海亦無馱足
故修廣聞學戒要法隨逐善友欲達諸法常
離惡師遠諸邪學夫邪學者非真正道無猗
身相貪著文飾知諸萬物皆歸無常其戒功
德淨如紫金所施意淨亦無悔恨心意清淨
終無虛飾所學微妙亦不煩憤其意鮮明無
有垢濁本行清淨心不焦然雖在迷惑不隨
淫欲意不懷亂常若一定息諸結縛永無起

滅終不誤失靜寂通徹戒具不缺無所漏失
隨其本要亦不遺捨諸佛定根而悉分別用
平等心度諸衆生從一切智入解脫門遊諸
三昧悉現在前不貪身命不有一切亂想之
念不計我人壽命之著亦不思惟名色痛想
行識不猗身口四大造色其真諦相實解如
本分別造色一無有二復當思惟眼色耳聲
鼻香舌味身受心法普皆清淨一相無相而
不迷荒諦觀諸法以過空行無相無願亦無
形像度於三界不染不著無解不解亦無繫
縛復不生念亦不見生所以然者一切諸法
都無所生常當慈愍不念殺盜育養一切欲

令生活亦不妄取他人財寶好喜恩施不念
邪淫遠離於色初無欺詐謗讒於人所說忠
信受人善諫心不迷荒見諸耆年恒念尊敬
所遊之方加以仁心各使得所不令有恨寬
弘包容示以正教令以平等應於律法一切
之類亦無枉愠衆行以備無所復進演說究
竟度諸衆生廣爲一切發去覆蓋上位菩薩
法之大主普演三乘無極之訓德過須彌慧
超江海道踰虛空無以爲譬最勝當知用一
切人愚癡懈怠放逸迷惑不順法教復當經
歷涉生死苦退廢迷荒纏綿陰蓋不免三趣
是故如來愍諸不及爲遵一切諸法之本悉

為一切斷諸習著二十二病更樂之本此諸
法者亦無有法亦無非法亦無言教都無所
說所以然者其無法者則無所生亦無所滅
為人說法不見所說如是最勝上位菩薩分
別思惟更樂所起更樂所滅菩薩觀彼有對
更樂與六更樂而為根本亦當知之不為六
根本亦當知之與七更樂共相受入復次菩
薩思惟觀了廣語更樂與三更樂而作根本
枝流七更少有其分復次最勝菩薩當復思
惟明更樂自相應時於餘四更樂共相受入
亦當思惟不興染著復次菩薩無明更樂與
三更樂自相應時復與十一更樂少有其分

亦當思惟不興。深著復次最勝。非明非無明。
更樂自相應時。餘十一更樂。少有其分。復次。
菩薩愛欲更樂。自相應時。十一更樂。少有其
分。假使恚怒更樂。自相攝持。十一更樂。少有
其分。復次。樂痛更樂。復與十二更樂。少有其
分。苦痛更樂。十二更樂。少有其分。無苦無樂。
痛更樂。亦與十三更樂。少有其分。復次。菩薩
眼識更樂。自相應時。與八更樂。少有其分。耳
鼻舌身亦如眼更。而無有異色相。更樂與五
更樂。為體便與七更。共相牽連。若復聲更與
三更樂。為體。亦時便與十一更樂。而共相連。
若使香更與二更樂。為體。亦時便與九更。而

共相連或時味更與四更為體是時便與十
一更而相牽連若使細滑與三更為體便與
十三更共相牽連或時法更與二十二更
共相為體介時與一切諸更而相牽連上位
菩薩常當思惟更樂興衰起滅之處一一分
別令不增減便能消滅諸塵欲結以能滅結
心亦不著計常之想亦復不見我人壽命生
滅著斷如是最勝六住菩薩以真諦心不念
有無審解空者於諸更樂了別為一菩薩當
知或時有對更樂與一根為體是時別與八
根相與牽連上位菩薩復當思惟專意在前
一一分別心不染著菩薩復當觀察廣語更

樂與五根為體。今時別與八根共相牽連。亦當思惟。竟不深著。菩薩復當思念。明更樂與三更樂為體。今時別與九根共相牽連。復次無明更樂。自為體時。亦與六根共相連綴。非明非無明更樂。自作體時。與十一根而共牽連。愛欲更樂。亦與四根共相牽連。恚更樂。復與四根共相牽連。樂痛更樂。與二根為體。與九根共相牽連。苦痛更樂。二根為體。復與六根共相牽連。無苦無樂痛更樂。與一根為體。今時復與無根共相牽連。復次菩薩眼更樂。自為體時。與九根共相牽連。耳鼻舌身亦復如是。意更樂。與五根為體。是時與八根共相

牽連色更樂與二根為體便與五根共相牽
連聲更樂與三根為體介時便與八根共相
牽連復次菩薩亦當思惟香更樂與六更樂
為體介時便與九根共相牽連設味更樂與
二根為體是時便與十一根共相牽連或時
細滑更樂與一根為體便與八根共相牽連
菩薩復當觀知法更樂與十九根為體便與
十三更樂共相牽連假使菩薩思惟校計除
去貪著不造更樂便能充滿一切諸願以金
色光相好嚴身光曜普照靡不周遍深解諸
法悉為空寂曉知法本亦無有法亦無非法
所以者何其無法者則無所生亦無所滅而

爲說法不見所說非真實法假号言耳內有
六受外有六入五陰諸種及一切入斯皆虛
寂皆悉假号分別章句及一切法以真諦觀
亦無五陰四大諸種及二十二更樂之本無
有斷滅亦無是常非常亦無堅固是謂名曰
諸法無言一切諸法本末清淨皆空皆寂無
有其名一切法性及與名号皆亦自然悉無
所有是諸佛教亦復如是普當修習無處所
法何謂修習無處所法謂習懺怕悉無所生
修於無欲行真諦法習學本無而行法界亦
習本際了知悉空一切諸法皆無所住無所
習行無行不行如是最勝六住菩薩解諸法

空復當修習威儀禮節不取當來已捨過去
不念現在亦無我所無所受取亦不有主復
無被服不可覩見爲究竟空故無有盡設有
文字亦假号耳其無盡者則無所生以其本
淨志意憺怕亦無出生當離所生及無所生
已所習學亦無聲響不見進趣亦無退者推
尋邊幅則無有底亦不無底不起不滅是則
名曰達於本空講宣平等亦無想念無近無
遠亦無足跡是謂爲習所言習者入於法律
一切諸法假有号耳亦無來往周旋之處無
得無失無聞無見是謂常在住於法界其能
奉行如是法者是名爲習云何爲法所言法

者法不念法亦不毀敗復不恐難無有希望
設無希望亦不想報若不念報則除一切望
想之累不遲當來不住現在不憶過去如是
行者便能具足等於三世三世等者則無言
說不用住故而度衆生最勝當知如來出現
演此言教使衆生類得度彼岸有佛無佛法
性常住法界自然亦不變易法界住者是謂
寂然復以何故法界自然以無吾我故曰自
然或時菩薩計是我所自謂有身意所專著
受五陰形觀見因緣名色思想周旋處所言
辭往來依猗識知名号假設心中稱量觀察
本末四大諸入是時菩薩復作是念我當勸

進度三界人當使捐捨淫怒癡病修習道教
入三脫門若復思惟使衆生等致於道迹至
成羅漢得四果證或復思念意止意斷神足
狠力七覺八道空無相願四諦真如滅於塵
勞有是思想內於衆生爲眷屬者則於法界
而有缺減六住菩薩以是遠離不與緣覺聲
聞之心行菩薩業大乘之誓發大弘益曠大
之意心自念言若我作佛務求道慧於百千
行使不耗減我當布施捨乎慳悋施以法財
淨其禁戒斷除瑕穢謹慎守行建立忍辱刈
去瞋恚體行柔和若修精進護懈怠垢勤力
遵修初不棄捨若處閑居修於正受意不乱

轉逮待一心從三昧起奉行其義六度無極
開化衆生以求佛道欲成道果要由六住成
等正覺降伏衆魔轉無上法度脫人民以佛
永寂而滅度之究盡聖慧學治住地宣暢如
來十力之業十八殊勝不共之法四無所畏
分別辯才通達無礙亦不想求於色無色無
所貪慕應適分前人別五陰無所起滅生老
死苦是惱之相設解空者是謂苦諦曉知五
陰所從緣起所見萬物皆有想求別了其意
而無是非雖不求者亦不永忘是謂習諦不
與去來今現在事而俱同塵亦不住中有僥
倖心慈知消滅而無所有是謂盡諦欲致道

者了苦習盡以八十四聖所尊重神達之智
除去緣縛猶豫結網是謂盡諦分別四諦一
切所現善惡苦樂心知世間悉了本末不以
爲求雖不求望不取其證是謂菩薩行於道
諦解了身空寂滅不起以無殃疊亦不除罪
無取無捨復無斷壞無身不身不見施設有
造作者不在彼此亦無中間如是最勝上位
菩薩常當思惟除二十二更樂之本根連之
殃乃能修習崇菩薩業是謂最勝上位菩薩
於六住中而淨其行

十住斷結經卷第二

能

幾

輕莫結反

僖

露

上惡字

穢也

澹然

淡上音

滑

捩

反溺

沒如曆反

反

疲

勞音皮也

擾

遶音連

綴

下衛反知

清

反在智

一反悅惚

一上兄

無往

反下音忽

操

操捺

志二

一同七

非也

北地

音二同

毫

十毫

力之象也

反

洑

或夷一作

反

奕

字軟

欸

苦管

反

痲

下疾

胡家反

調

戲

帛上徒

反

馳

馬下

丑

之奔

負走

讒

助銜反

苞

上必

枉

屈上

反

往

反

問

反悉也

懋也

懋怕

上徒敢反

這

適

反

罪

許

近

